



→ AGLAIT ←

ILLUNAINORTUT.

Nr.20

Nain, Februar 1905.

Nr.20

Illagêktunut Ladradoremetunut.

( Sorairningat. )

Tussakattalaukpunga illangane inuit kanninginit, kujalidlarmatta, tamâne Labradoremetauk Missione karmat okautsillo piulijaunartut Labradoremuttauk tikkingmatta. Nagliktakka, sakkertitsijomangilase kujalinipsingnik tamattominga piniarnikkuttauk?

Kaujivunga, akkunapsingne unuktokarmat Jêusemik nagligosuktunik, ungajunik. Sakertitsijomangilase naglingnipsingnik tamattominga piniarnikkuttauk?

Taimak aglaklunga okausekarkôrpunga, mânamut sumik tunnijdijokarajalaungipat sôrlo akkunapsingne Missione-mut. Taimagle okausikka tukkekarkongilakka. Kiglor-mulle, Nagliktakka, kujalivunga, jâreorkaujome tunergutit kailauktase unurnersaulaungmatta sivornganenit kenuvigivapselo, taimailiorannerkovluse. Ajokertuijersoavut kailauktapsingnik kuviasutekarmarigivut kujalinermiglo okarkovâtigut illipsingnut. Issumakarpungale, Missione mâna angiluartomik ajoksarmat, tagva uvagut piluarlutatauk ikajortuksauvogut, Missione akkiliksairutinasuarlugo.



Imaka, okautsikka makkoa atuartautillugit, attausi-  
ungitomik okartokarniarpok imâk : „Kunulungigalloar-  
punga, kissiane akkiliutiksakatsiangimut sapperpunga.  
Akkiliutiksarsiguma amigangitomik, pijungartamnik  
kaitsinajarpunga.”

Okum aiksartitsijemangitunga nellipsingniglônêt,  
sunatuinarnigle kammerkovapse :

1. Erkaumatsainaralloarkitâ, illûnata okpertô-  
jomajogut, Nâlegaptingnut i k a j o k a t a u -  
r k o j a u g a p t a, Jêsusib Nâlegauvia angijorortitaurkovlugo nuname ?

2. Nautsertulauktatôk, illangane mikijoarsungmik  
(suglugikattartaptingnik) ingmigolingatitsijungna-  
rajangimangâpta Missionemut. Imâk okaroma-  
vunga: Angut attausek tuktub okanginik 10nik  
niorvgosikpat, erkanarmarikôngilak, illainangata  
akkinga tigulungigalloarpago, illingatilugole  
Missionemut. Mikijôrkkôralloarpok, mikijôlualungi-  
larle, mikijoarsuillo unuktut angijôdlarivut.  
Issumaksarsiortuarupse, apkutiksarsiniarpalluk-  
pose, kanok piniarungnarapse sunamik Missione  
pivlugo.

3. Piulijivut, inôserminik ivlersilaungitok pivluta  
nellopkotijuksaungitoviksôjok pigivlugit pigijavut.  
Sumik pijarialingmik pivitâ, a t o r n i a n g i -  
t a v u t k i s s ê t a tunnergutiksautikuptigik  
Piulijiptingnut ? Tunnijavut Jêsusemut, tunnijau-  
tuarunik naglingnermut okpernermullo, assio-  
lungilat saimanartunigle malliktekarriarput  
uvaptingnut.



Sôrlo okarkaugama, okumaiksartitsijomangilanga nellip-singniglônêt. Kenuvigivapsele, Missione mâna taimak ajoksartillugo [imakâ akkunit ajoksakattarniarpok sulle, upkuat angmartitauvalliangmatta okautsinut tussanertunut] illipsetauk ikajorkovluse akkiliksairutiksanganut. Akkiliksairutijaunajangipat, tagva imakâ Missione karvip-ta illangit kemaktaujariakarajarpot. Tamarnale ogguanadlarajarpok, nellojut unuktut nipliångmatta: Ikkâritse, ikajortigullo! Gûde ikajorletok, okautsit tamakkoa illali-ortaurkovlugit atuarsijut illanginut! Gûdib Anerningata nangmink kaujitalise piniaraksapsingnik!

Tunnergutiarsungmik kaitsijokarpot ajokertuijunut, tagva nakudlarniarpok, kaitsijok tagvainak okarpot, tunnergutiarsuk sunamut illingajuksaumangât, Missione-tuinarmut upvalo Missionib akkiliksairutiksanganut.

Mânalo sorailunga salutipapse illûnase Jêsusib attingane.

Illitarijasse,

A. Martin.

Nain, Oktober 1904.

M e l. 159.

Aglangne kattangutiptingnut akkianêtunut illingajune operngâk unipkârtokarpok imâk :

Kikkertat „West – Indiamik” taijaujut illangane, Tobagome kattangutivut Klemense ajokertuijôvok. Tap-soma arnanga aijariakalaukropok Amerikamut (United Statesinut) kanimadlarame. Inotôvlune painguvlunelo kiksarlunelo nellavok kanimajoktalingme New-Yorkeme. Tagva tussarkôrpok errinâmik illitamnartomik iglub assianit. Makkilune nâletsiarpok, illa tammalungilak,



iglub senniane kôkoviartokarpok Melodi 159mik. „Attausek pijarialik”. Tagvainak kanimajub arnak pairksijok kenuvigivâ, tukisijartorkovlugo, kôkoviartok kinaungmangât. Tamna aivok uttersarailunelo okarpok, kanimajoktalingme inosuktokarmat (Eskimomik), niunga serkomisimangmat. Tamna kôkoviarkauvokgôk. „Taimaipat tagva kattangutipta Labradoremiut illangat tamna —” kanimajok kuviasuklune nipliavok.

Inosuktok pissugialermigame, takojartorok ajokertuijub arnanganik iglungane. Nainemit pivok, kissianele akunikasak ingergalerêropok Amerikakut takkuksautitauvlune takkojauvingme. Aperijaugame, kinaumangât, tikoarpok tallerminut. Sunaubva, tallingane aglakarpok: „Appeli.” Kungavlunele unipkâropok, najortiminut mâna attekarti-  
taugame: „Happimik” imaipok: kuviasuktomik, uvlok nâvlugo kôkoviatsainarame. Kôkoviarkojauvlune ajokertuijub arnanganut, kôkoviarpok Melodîinik unuktunik attorkattartaptingnik.

Erkaumanalungilâk, inuk magguk illagêngniptingnut illingajuk, illangak nunamit kiaktalingmit pivlune, aipanganunamit itjelingmit, naipiutitaungmanik Melodîikut ator-  
taujukut kattimaviptingne? A. M.

### Issumanartut.

6. Attanerit Testamentitokarme taijaujut illangat attaniolilaukropok jârekarlune 8 tuinarnik. Kinauvâ?

7. Kina ernekalaukâ 10 nik nivingartitaumajunik napartomut kimiktauvlutik?